

**Գերամեծար գերյարգելի Արքանօր մերոյ, և Ռարունապետի
Տեսաւ Տեսաւ Ստեփաննոսի Վրդ.ի՝ ողոյն ի Քրիստոս ի տեր մեր**

Թուղթ ԾԷ:

... Ահնէս անուն ծերացեալ մարապետն (որ զմարապետութիւնն առեալ էր ի ձեռաց լուսահոգի Մխիթարայ աբբահօր մերոյ) մեռաւ...: Ի սեպտեմբերի 28 եղև հանդըն մեծ և զարհուրելի ի ստամպօլ, որոյ նմանն ի վաղուց չէր եղեալ. և տևեաց ժամս 35 և սկսաւ ի պախճայ խափուէն զայրացեալ սաստկութեամբ հիւսիսային հողմոյ հնչելոյ. և ընդ երկայն գնաց առ զառիվեր լերամբ և առ զառիվայրօքն մինչև մօտ ի յախըր խափուն. և ընդ լայն տարածեցաւ այսպէս, մի ծայրն սկսեալ ի պախճայ խափուէն այրեաց զտունս, որ առ պարսպօք թագաւորական պալատին մինչ ի յայս սօֆիա. և անտի մինչ ի յախըր խափուն. իսկ միւս ծայրն լայնութեան դիմաց առ մահմուտ փաշայովն այրելով և զնորաչէն տունս և զկրպակս հրէից ինն ամսով յառաջն ի հրդեհէ այրեցելոց և շինեցելոց. և առ չուխանի խանան, և առ մահմուտ փաշայի ճամբովն. և առ վէզիր խանան. և առ աթ մէյտանան իջանելով առ աւերակօք հրդեհին եղելոյ երկու ամօք յառաջ ի խառիրկայ իլիմանն. և անտի մօտ ընդ փոքր այս սօֆիայիւ մինչ մօտ ի ախըր խափուն: Այսօքիկ ամենայն ասացեալ տեղիք այրեցան, այրեցաւ և փաշայ խափուսին, և այլ անբաւ պալատք մեծամեծաց և խօնախք ըրիճալլերուն. և անհամար տունք այլազգեաց, այրեցաւ և պաթան սարայներն. մահմուտ փաշային մէրքէմէն. մէնկէնչնոցն. հին ճէպխանէն. մէկ մինարէն սուլթան անմէթին և այլ բազում ճամփներ: Գրեթէ հինգերորդ մասն ստամպօլու այրեցաւ, և այն ըստ տեղւոյն. իսկ ըստ հարստութեան տանց և ըստ պատուականութեանն գրեթէ կէսն ստամպօլու, զի այրեցաւ ծուծ քաղաքին: Ի քրիստոնէից տանց և ոչ մի այրեցաւ. միայն եղև նոցա զնաս ի խանն յայրեցմանէ փէթէնէրուն որ ի նմին: Ութն օր յառաջ քան զայս մեծ հանդըն, եղև հանդըն ի խուզխունճուխն ի հրէայս. և այրեցան կէս տունքն եալլներուն, և ընդ ներքին կողմն գեղջն բազում տունք, և ընդ ամէնն աւելի քան զհարիւր տունս...:

Յամին տեառն 1755
Հոկտեմբերի 16
[Կ. Պոլիս]

Նուստ ծառայ
Հայր Զաքարիայ Վ.

ՃԶԱ.

Սրբունի Եւփիմէ, որուն ոսկերաց հրաշքով փոխադրութեանը պատմութիւնը կը տրուի հոս, Քաղկեդոնէն էր՝ Դիոկղետիանոս կայսեր ժամանակ:

Գերապատիւ և ամենապայծառ տեսաւ եւ.

Յայտ լիցի գերյարգութեան ձերում, զի մինչև ցայսօր արգիլեալ կամք ի ուղինիայ գրեթէ ի մայրաքաղաքն իստրիայո...: Միանգամ առ տարաւ զմեզ նաւապետն ի մայր եկեղեցին անուանեալ սրբոյն Եւփիմեայ, զորոյ և զմատուտն տեսաք եկեալ այսր հրաշխւք. քան զի յաւուր միում տեսեալ ի քարուտ եզերն սորա հազար ամ յառաջ զմեծ արկղ մի քարեղէն եկեալ ի վերայ ջուրց իբրև զուակ, փակեալ յամենայն կողմանց. և ազդ արարեալ մեծամեծաց, լծեալ են զբազմութիւն եզանց ի քարչել. բայց չէ լեալ հնար գէթ փոքր մի շարժել զնա: Ի միում գիշերի մանուկ մի փոքրիկ միածին մօր իւրոյ տեսեալ է յանուրջս ասել նմա, թէ եթէ ձեր երկու եզինքն լծեսցին, կարէ այն տապան մեծ շարժիլ. և նա թլուատ լեզուան պատմեալ մօր իւրոյ, վաղվադակի լծեալ են զեզինս. և իբր զմի ձու երկոքին եզինքն սկսեալ են արշաւելով տանիլ. մինչև շրջեալ քարեղէն տապանակն ի վերայ մանկանն, որ առ նովաւ գնայր, ջախջախէ զնա, իսկ ցաւագին ծնօղն դիմեալ ի պարփակեալ սուրբն, իսկոյն նորաստեղծեալ է մանուկն;